



ՀԱՍՏԱՏՈՒՄ ԵՄ՝
Շրջակա միջավայրի նախարար
Հ. Սիմիդյան

« 08 » 02 2022թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ՐՓ 00 08 - 2 2

Ձեռնարկողը՝

Քաղաքացի Վրեժ Միլիպոնյան
Ք Երևան, Մալխասյանց փողոց 1/21

Գործունեությունը՝

**Երևան քաղաքի Մալխասյանց փողոց հ.1/20, 1/21
հասցեներում նախատեսվող բազմաֆունկցիոնալ
համալիրի կառուցման աշխատանքների
շրջակա միջավայրի վրա ազդեցության
նախնական գնահատման հայտ**
Արաբկիր համայնք

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պարտականությունները կատարող՝



Խ. Մարտիրոսյան

Առդիր եզրակացությունը՝ 6 թերթ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

թիվ ԲՓ 00 08 - 2 2

< 08 > 02 2022թ.

Քաղաքացի Վրեժ Միլիտոնյանի կողմից ներկայացված Երևան քաղաքի Մալխասյանց փողոց հ.1/20, 1/21 հասցեներում նախատեսվող բազմաֆունկցիոնալ համալիրի կառուցման շրջակա միջավայրի վրա ազդեցության նախնական գնահատման հայտ

Ձեռնարկող՝

Քաղաքացի Վրեժ Միլիտոնյան

Ներկայացված նյութեր՝

Շրջակա միջավայրի վրա ազդեցության
նախնական գնահատման հայտ
/Գ կատեգորիա/

Գտնվելու վայրը՝

ք. Երևան, Մալխասյանց փողոց 1/21

Ներածական մաս. Բնակելի համալիրի նախագիծը նախատեսվում է իրականացնել ք.Երևան, Արաբկիր վարչական շրջան Մալխասյանց փողոց հ.1/20, 1/21 հասցեներում: Գործունեության նպատակն է կառուցել ժամակակից բազմաբնակարան բնակելի համալիր: Տարածքը ունի թեքություն, գոյություն ունի ապամոնտաժման ենթակա քարե կառույց: Նախատեսվում է տարածքում կառուցել կիսանկուղային հարկերով 5-7 հարկանի բազմաֆունկցիոնալ շենք՝ բնակարաններով և հասարակական տարածքներով: Հողամասի մակերես՝ 3233քմ, կառուցապատման մակերես 1881.6քմ, կանաչապատման մակերես 1351.4 քմ, ստորգետնյա հարկի մակերես 1407.1քմ, բնակարանների քանակ 72, ստորգետնյա կայանատեղիների քանակ 59:

Նախատեսվող գործնեությունը համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի 6-րդ մասի 7-րդ կետի ա. ենթակետի, հանդիսանում է Գ կատեգորիայի գործնեության տեսակ:

Նկարագրական մաս. Շրջակա միջավայրի վրա մարդկային գործունեության վնասակար ազդեցության կանխման, կենսոլորտի կայունության պահպանման, բնության և մարդու կենսագործունեության ներդաշնակության պահպանման համար կարևորագույն նշանակություն ունի յուրաքանչյուր նախատեսվող գործունեության շրջակա միջավայրի վրա ազդեցության ճշգրիտ և լիարժեք գնահատումը: Գործունեության բնապահպանական գնահատումը պետք է ներառի ուղղակի և անուղղակի ազդեցության կանխորոշումը, նկարագրությունը և հիմք հանդիսանա դրանց կանխարգելման կամ հնարավոր նվազեցման



պարտադիր միջոցառումների մշակման համար: Տարածքը գտնվում է ք. Երևան, Արաբկիր վարչական շրջան, Մալխասյանց փողոց 1/20 և 1/21 հասցեներում: Աշխատանքային նախագիծը կատարվել է անշարժ գույքի նկատմամբ իրավունքների պետական գրանցման N20122019-01-0095 և N20122019-01-0140 վկայականների, ճարտարապետահատակագծային N 01/18-07/1-2-728-1047 առաջադրանքի, տրված 05.11.2020թ, պատվիրատու Վրեժ Միլիտոնյանի առաջադրանքի հիման վրա: Հողամասի նպատակային նշանակությունը կամ հողատեսքը՝ բնակավայրերի, գործառնական նշանակությունը՝ հասարակական կառուցապատման և խառը կառուցապատման, գրանցված իրավունքի տեսակը՝ սեփականություն: Բոլոր հարկերը կապված են աստիճանավանդակներով և վերելակներով: Աստիճանավանդակների դռները նախատեսվում են հակահրդեհային: -6.600 նիշում նախատեսվում է ավտոկայանատեղեր 36 մեքենաների համար: Նախատեսվում է տեխնիկական տարածք ինժեներական ենթակառուցվածքների համար: Աստիճանավանդակների և վերելակների մուտքը ավտոկայանատեղ նախատեսվում է նախամուտքերով: -3.300 նիշում նախատեսվում է ավտոկայանատեղեր 23 մեքենաների համար, հասարակական տարածքներ՝ բակի կողմից առանձին մուտքերով: Աստիճանավանդակների և վերելակների մուտքը ավտոկայանատեղ նախատեսվում է նախամուտքերով: 0.000 նիշում նախատեսվում է 8 հասարակական նշանակության տարածքներ՝ փողոցի կողմից նախատեսված առանձին մուտքերով, և 7 բնակարաններ, +3.300; +6.600; +9.900 նիշերում նախատեսվում են յուրաքանչյուր հարկում 15 բնակարան, +13.200; +16.500 նիշերում նախատեսվում են յուրաքանչյուր հարկում 11 բնակարան, +19.800 նիշում նախատեսվում է 9 բնակարան, +23.100 նիշում նախատեսվում են տեխնիկական տարածքներ: Բնակարանների ներքին հատակագծային լուծումները նախատեսվում են պատվիրատուի առաջադրանքին համապատասխան՝ պահպանելով նորմատիվային պահանջները: Տանիքը նախատեսվում է հարթ՝ ներքին կազմակերպված ջրահեռացմամբ: Արտաքին ճակատներում նախատեսվում է երեսապատում բազալտե, տրավերտինե երեսապատման սալերով: Նախատեսված են լուծումներ ինժեներական համակարգերի (կոնդիցիոներներ, հաղորդալարեր և այլն) քողարկման և հարմարավետ սպասարկման համար: Բակային տարածքում նախատեսվում է բարեկարգում, կանաչապատում, պարսպապատում: Ըստ անհրաժեշտության՝ հողատարածքի սահմաններում հնարավոր է նախատեսել կաթսյապատում, կամ էլ, ենթակայան: Նախատեսված են թեքահարթակներ՝ բնակչության սակավաշարժ խմբերի տեղաշարժն անվտանգ և հարմարավետ ապահովման համար: Համաձայն ՀՀՀՆ IV-11.07.01-2006 շինարարական նորմերին հաշմանդամ և բնակչության սակավաշարժ խմբերի ազատ տեղաշարժման համար ձեռնարկվել են համապատասխան միջոցառումներ՝ նախատեսվել են թեքահարթակներ: Շինարարական աշխատանքների ավարտից հետո նախատեսվում է տարածքը կանաչապատել և բարեկարգել: Կանաչապատումը իրականացվելու է համաձայն բարեկարգման, արդիականացման և կանաչապատման նախագծի: Տարածքում կիրականացվի սիզամարզի ցանքս կտկվեն ծառեր և թփեր: Նախատեսվող գործունեությունը իրենից ներկայացնում է ժամանակակից լուծումներով և նյութերով իրականացվող շինություն: Այն ներդաշնակ է շրջակա կառույցներին տվյալ միջավայրում: Ջեռուցումը և օդափոխությունը ողջ համալիրում կատարվելու է անհատական լուծմամբ օդորակիչների և ջեռուցման կաթսաների միջոցով: Համալիրի էներգաարդյունավետությունը նախատեսվում է համապատասխանեցնել Ա դասի, ինչի ուղղությամբ իրականացվելու են համալիր



մետաղական ամրաններ եւ այլ կոնստրուկցիաներ, ապակի, փայտ, սրբատաշ եւ կոպտատաշ քարե շար, երեսպատման նյութեր եւ այլն: Բնառեսուրսներից օգտագործվելու է միայն ջուր՝ աշխատանքային հարթակի ջրցանի, հանված գրունտի եւ ստացվող ավազի ու խճի խոնավացման, ինչպես նաեւ շինարարական անձնակազմի խմելու եւ կենցաղային նպատակների համար: Հիմնական թափոնատեսակը, որը կառաջանա շինարարական աշխատանքների ընթացքում, կենցաղային աղբն է տարեկան մեկ մարդու հաշվարկով 70 կգ $100 \times 70 \times 3 / 1000 = 21$ տ և շինարարական աղբն է 480 խմ ծավալով: Շինարարական աղբը ամբողջությամբ տեղափոխվելու է տեղական ինքնակառավարման մարմինների կողմից հատկացված վայր: Առաջացած կենցաղային աղբը կտեղափոխվի աղբահավաք ծառայության կողմից: Երևանի տարածքում աղբահանության նպատակով բնակելի թաղամասերում տեղադրված են աղբահավաք տարողություններ և աղբարկղներ: Աղբահեռացումը կատարվում է կանոնավոր: Շինարարական աշխատանքների ընթացքում, առաջացող թափոնատեսակներն են՝ կենցաղային աղբը /ծածակագիրը՝ 9120040001004/՝ 21 տ, որը կհավաքվի աղբահավաք կոնտեյներներում և կտեղափոխվի մոտակա աղբավայր, և 480 խմ շինարարական աղբը /ծածակագիրը՝ 9120060101004/, ամբողջությամբ տեղափոխվելու է տեղական ինքնակառավարման մարմինների կողմից հատկացված վայր՝ Էրեբունի վարչական շրջանի նուբարաշենի խճուղի 4 հասցեում գտնվող տարածք: Ներկայացվող գործունեության իրականացման ժամանակ շրջակա միջավայրի վրա ազդեցությունները հիմնականում կապված են՝ փորման բեռնման աշխատանքների, հողային զանգվածների տեղափոխման, շինարարական տեխնիկայի շահագործման, ջրամեկուսացման համար օգտագործվող նյութերի օգտագործման, բետոնային աշխատանքների հետ: Թվարկված աշխատանքների ազդեցությունը նվազեցնելու նպատակով նախատեսված են բնապահպանական միջոցառումներ, որոնք ներառված են բնապահպանական կառավարման պլանում: Նախնական ուսումնասիրությունների եւ գրականական տվյալների նույնականացման արդյունքում բուն նախատեսվող գործունեության իրականացման տարածքում ՀՀ Կարմիր գրքում գրանցված բույսեր չեն հայտնաբերվել: Ներկայացվող աշխատանքների կատարման ընթացքում հիմնական ռիսկերը կապված են արտանետումների հետ, որոնց ցանկը բերված է ստորև՝ - փոշու արտանետումներ գոյություն ունեցող շինությունների հիմքերի քանդման ընթացքում, - փոշու արտանետումներ հիմքերի փորման ընթացքում - վառելիքի արտանետումներ շինարարական տեխնիկայի շահագործման ժամանակ (CO, NOx): Օդային ավազանը աղտոտումից պահպանելու համար նախատեսված են՝ շինարարական աշխատանքների /փոշեգոյացնող աշխատանքներ/ ընթացքում անհրաժեշտ է իրականացնել ջրցան, պարբերաբար ստուգել շինարարական տեխնիկայի և փոխադրամիջոցների տեխնիկական վիճակը և իրականացնել կարգադրում, շինարարական նյութերի (հատկապես սորուն շինարարական նյութերի դեպքում, ինչպիսիք են ավազը, խիճը, հողը և այլն) տեղափոխումը պետք է իրականացվի փակ ծածկով մեքենաներով, սորուն նյութերի պահեստները ծածկել համապատասխան բարձրությամբ թաղանթով, ինչը կանխարգելում է փոշու տարածումը: Բնակելի համայնքի շինարարական աշխատանքների իրականացման ընթացքում նախատեսվում է իրականացնել շրջակա միջավայրի վրա բացասական ազդեցության կանխարգելմանն/մեղմացմանն ուղղված հետևյալ մշտադիտարկումները՝ մթնոլորտային օդ կատարվող աղտոտող նյութերի (փոշի, CO, NOx) արտանետումների որակական և քանակական պարամետրերի պարբերական չափումներ, ամիսը մեկ հաճախականությամբ,



փոշենստեցման նպատակով նախատեսվում է իրականացնել տարածքի ջրջանում տարվա շոգ և չոր եղանակներին, օրեկան 2-3 անգամ, օգտագործված մեքենայական յուղերով ու քսայուղերով հողերի հնարավոր աղտոտումից խուսափելու նպատակով հողերի աղտոտվածության մշտադիտարկումներ՝ երեք ամիսը մեկ հաճախականությամբ, աղմուկի և թթթումների մշտադիտարկումներ՝ երեք ամիսը մեկ հաճախականությամբ, շինհրապարակի որակի, բանվորական հագուստի կոչվորայի, անվտանգության կանոնների պահպանմանն ուղղված մշտադիտարկում՝ համաձայն ՀՀ կառավարության 2020թ. հուլիսի 2-ի նիստի N 87 արձանագրության պահանջների, կանաչապատման աշխատանքներ իրականացնող կազմակերպությունը պետք է հետևողական լինի տնկված ծառերի աճի և խնամքի համար: Բնապահպանական միջոցառումների համար նախատեսվում է ամբողջ շինարարության ընթացքում հատկացնել 1960000 դրամ:

Պատճառաբանական մաս. Երևան քաղաքի Արաբկիր վարչական շրջանում օրենսդրությամբ սահմանված կարգով, իրականացվել են հանրային քննարկումներ, որոնց ընթացքում տեղական ինքնակառավարման մարմինները և հասարակայնությունը հավանություն են տվել նախատեսվող գործունեությանը: Հայտի վերաբերյալ փորձաքննական գործընթացում ստացվել են կարծիքներ՝ «Արտակարգ իրավիճակների», «Առողջապահության», «Կրթության, գիտության, մշակույթի և սպորտի» նախարարություններից, «Քաղաքաշինության կոմիտեից», «Կադաստրի կոմիտեից», ինչպես նաև շրջակա միջավայրի նախարարության ստորաբաժանումներից: Ստացված դիտողությունները և առաջարկությունները հաշվի են առնվել «Հայտի» լրամշակումներում: Ծրագրի իրականացման արդյունքում շրջակա միջավայրի վրա հնարավոր բացասական ազդեցությունները հիմնականում պայմանավորված կլինեն շինարարական աշխատանքների իրականացմամբ, որոնք կկրեն ժամանակավոր բնույթ, ազդեցությունները կլինեն թույլատրելի նորմայի սահմաններում:

Փորձաքննական պահանջներ

- Կառուցապատման աշխատանքների իրականացման ընթացքում անհրաժեշտ է խստագույնս հետևել նախնական գնահատման հայտում ամրագրված բնապահպանական պահանջների և միջոցառումների իրականացմանը՝ ըստ հայտով ներկայացված պլանի, իսկ դրանց չբավարարման դեպքում ներառել լրացուցիչ միջոցառումներ՝ պարտադիր պահպանելով բնապահպանական նորմերը:

- Շինարարական աշխատանքների ընթացքում առաջացող թափոնների այրումը խստիվ արգելվում է: Թափոնների կուտակումն ու հեռացումն անհրաժեշտ է իրականացնել ՀՀ օրենսդրությամբ սահմանված կարգով:

- Կառուցման ընթացքում անհրաժեշտ է նաև պահպանել ՀՀ քաղաքաշինության նախարարի 2008 թվականի հունվարի 14-ի N 11-Ն հրամանով հաստատված ՀՀԾՆ 1-3.01.01-2008 «Շինարարական արտադրության կազմակերպման աշխատանքների կատարում» շինարարական նորմերի պահանջները:

- ՀՀ կառավարության 2002 թվականի ապրիլի 20-ի «Պատմության և մշակույթի անշարժ հուշարձանների պետական հաշվառման, ուսումնասիրման, պահպանության, ամրակայման, նորոգման, վերականգնման և օգտագործման կարգը հաստատելու մասին» N 438 որոշմամբ հաստատված կարգի 43-րդ կետի համաձայն, աշխատանքների կատարման ժամանակ



պատմական, գիտական, գեղարվեստական և այլ մշակութային արժեք ունեցող հնագիտական և մյուս օբյեկտների հայտնաբերման պահից անհրաժեշտ է դադարեցնել աշխատանքները և դրա մասին անհապաղ տեղեկացնել լիազորված մարմնին՝ համապատասխան պահպանական միջոցառումներ իրականացնելու համար:

- շինհրապարակի արտաքին տարածքը սահմանազատել ժամանակավոր ցանկապատով, անցկացնել լուսավորություն և տեղադրել արգելափակիչ նշաններ,
- շինությունները ծածկել համապատասխան բարձրությամբ փոշու տարածումը կանխող ցանցով,
- շինհրապարակից դուրս եկող մեքենաների անվադողերը լվանալ,
- բետոնի տեղափոխումն իրականացնել հայտում նախատեսված ձևով՝ բացառելով շինարարական հրապարակում կամ հարակից տարածքներում բետոնի արտադրությունը:

ԵԶՐԱՓԱԿԻՉ ՄԱՍ

Քաղաքացի Վրեժ Միլիտոնյանի կողմից ներկայացված Երևան քաղաքի Մալխասյանց փողոց հ.1/20, 1/21 հասցեներում նախատեսվող բազմաֆունկցիոնալ համալիրի կառուցման շրջակա միջավայրի վրա ազդեցության նախնական գնահատման հայտի վերաբերյալ տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

«Շրջակա միջավայրի վրա ազդեցության
փորձաքննական կենտրոն» ՊՈԱԿ
գլխավոր մասնագետ՝



Գ. Հարությունյան